

Na osnovu čl. 7. i 19. stav 2. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06, 43/08, 22/09 i 35/14), federalni ministar finansija - federalni ministar finansija donosi

## PRAVILNIK

### O DOPUNAMA PRAVILNIKA O NAČINU UPLATE JAVNIH PRIHODA BUDŽETA I VANBUDŽETSKIH FONDOVA NA TERITORIJI FEDERACIJE BOSNE I HERCEGOVINE

1. U Pravilniku o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", br. 35/13, 53/13, 63/13, 93/13, 103/13, 11/14, 19/14 i 46/14), u poglavlju IV. NAKNADE I TAKSE, u tački 16. Naknade i takse, podtačka 16.1. Naknade i takse, u tabelarnom pregledu, iza rednog broja 5. dodaje se novi redni broj 6. koji glasi:

Red. br.	NAZIV PRIHODA	VRSTA PRIHODA
6.	Taksa za uspostavu rezervi naftnih derivata	722116

Dosadašnji redni brojevi 6. - 26. postaju redni brojevi 7. - 27.

2. Iza podtačke 16.1.3. dodaje se nova podtačka 16.1.4. koja glasi:

"16.1.4. Taksa za uspostavu rezervi naftnih derivata, utvrđena je Zakonom o naftnim derivatima u Federaciji BiH ("Službene novine Federacije BiH", broj 52/14), namjenski je prihod za finansiranje uspostavljanja rezervi naftnih derivata u Federaciji BiH i uplaćuje se na Račun javnih prihoda Budžeta Federacije BiH.

Uplata se vrši na način propisan u poglavlju VII. NAČIN UPLAĆIVANJA PRIHODA BUDŽETA I FONDOVA ovog Pravilnika, uz obavezno popunjavanje polja 14. Općina: gdje se upisuje šifra općine sjedišta pravnog lica ili fizičkog lica - poduzetnika i polja 15. Budžetska organizacija: 1701001 u nalogu za plaćanje.

Prenos na poseban namjenski podračun Jedinственog računa Trezora Federacije Bosne i Hercegovine, raspolaganje i namjena trošenja ovih sredstava vršit će se u skladu sa procedurama o otvaranju namjenskih podračuna, a u svrhe utvrđene Zakonom o naftnim derivatima."

3. U tački 19. Ostali neporezni prihodi, podtačka 19.1.6. Prihodi od pružanja javnih usluga (prihodi od vlastitih djelatnosti korisnika budžeta) i vlastiti prihodi, u tabelarnom pregledu, iza rednog broja 3. dodaje se novi redni broj 4. koji glasi:

Red. br.	NAZIV PRIHODA	VRSTA PRIHODA
4.	Prihodi od naučno-istraživačkog rada	722614

Dosadašnji redni brojevi 4. - 10. postaju redni brojevi 5. - 11.

4. U podtački 19.1.8. Donacije, u tabelarnom pregledu, iza rednog broja 2. dodaje se novi redni broj 3. koji glasi:

Red. br.	NAZIV PRIHODA	VRSTA PRIHODA
3.	Donacije od fizičkih i pravnih lica za poticaj za zapošljavanje	733115

Dosadašnji redni brojevi 3. - 4. postaju 4. - 5.

U tabelarnom pregledu, iza rednog broja 4. koji postaje redni broj 5. dodaje se novi redni broj 6. koji glasi:

Red. br.	NAZIV PRIHODA	VRSTA PRIHODA
6.	Donacije od inostranih fizičkih i pravnih lica za poticaj za zapošljavanje	733125

5. Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-1551-8/13  
Juli 2014. godine  
Sarajevo

Ministar  
**Ante Krajina**, s. r.